

Helfa Pwrs y Fôr-Forwyn

Pysiau y fôr-forwyn ydi'r enw ar gasys wyau siarcod a chathod môr. Mae dros ddeg math o gath môr ac ychydig o siarcod ym moroedd Prydain sy'n atgenhedlu drwy ddodwy wyau lledraidd a chaled ar wely'r môr. Unwaith mae'r siarc neu'r gath fôr bychan wedi deori, mae'r casys wyau yn cael eu golchi i'r lan gan y llanw.

Mae dod o hyd i gasys wyau ar y traeth yn dweud wrthym ni fod man magu gerllaw. Fe allwch chi gael casys wyau o bob siâp a maint (yn dibynnu ar y rhywogaeth). Felly mae'n hawdd iawn canfod pa rywogaeth sy'n bridio gerllaw.

Mae Helfa Pwrs y Fôr-Forwyn yn brosiect sy'n cael ei redeg gan yr Ymddiriedolaeth Siarcod. Mae eu gwefan www.eggcase.org yn cynnwys llawer o wybodaeth am gynnal helfeydd o'r fath a llawer o adnoddau y gallwch chi eu lawrlwytho. Bydd yr ymchwil rydych chi'n ei gynnal yn helpu gyda gwaith cadwraeth siarcod a chathod môr a, gorau oll, mae'n ddiwrnod allan gwych ar y traeth. Fe allwch chi gynnal Helfa Pwrs y Fôr-Forwyn ar unrhyw adeg o'r flwyddyn, ond rydych chi'n fwy tebygol o ddod o hyd i rywbeth ar ôl storm. Hyd yn oed os nad ydych chi'n dod o hyd i gasys wyau mae'r canlyniadau yn dal yn ddefnyddiol i'r Ymddiriedolaeth Siarcod.



Am ragor o wybodaeth ffoniwch yr Ymddiriedolaeth Siarcod ar 01752 672020.

